

卷三
世三
世五
共

青學齋集

拾壹

青學齋詩
存四卷

受業章鉅謹署



辛未孟夏之月
新陽汪氏家刊

青學齋集卷三十三

詩存之一

新陽汪之昌

義驗行

己巳

九江戍校傳王成氣吞氏羌籍隸兵願以汗馬酬主知
撫髀常作伏櫪鳴淮甸胡騎恣蹋躐畜槩被野氣怖懼
中有病驗酸嘶風烏鳶啄肉蟻銜鬣成也徇地停征騂
覩茲病驗長歔歔雌伏與驗毋乃同爰命健兒爲驅歸
拔之草莽置外廐飽以薪芻飼以豆膚革漸次能充盈
駑駘羞與其奔走牙治城陬頻往回終朝屏息依庭槐
金臺未聞收駿骨鹽車終是羈龍媒偶然試騎加絆籠

騰躍噴沫拳毛孔左右驤拒不可制數十健卒莫能動
成也拊項疾聲呼帖耳馴伏供馳驅罄控不憚厯峻阪
駕馭只須付羸奴銜恩願爲國士用羣馬流汗僅追從
久伏泥塗等常騎世無伯樂誰推重峒寇竊發起潢池
幕府軍符星夜馳驗於此日爭敵愾崎嶇山澤險化夷
鼠輩跳梁狡且悍臣力不敵空扼腕驗也更作烏騅嘶
躑躅不去僵屍畔賊將見之喜動顏銀鎧華韉收上閑
進退盤旋咸如志羣謂蠢爾真冥頑狂寇突犯永新柵
官軍迎擊皆辟易捉生恨未殲渠魁賊弟馱來特獻馘
我軍奮迅賊勢窮露版告捷甘泉宮虛誇貔虎勗同仇

詎知驗也成大功鐵槩傷重胙血赭哀鳴宛轉徹廡庑
去逐靈旗報成事甘從舊校游地下我讀程史增悲傷
論材不數驪與黃匪僅斯驗識大義惟成高誼感龍驤
成忠驗義兩知己麾下追隨誓生死莫道奇材惟相馬
由來相士亦如此

中秋夜題號壁懷伯兄都中

乙亥

中秋勝節自年年四度文場看月圓

余六試鄉闈己未
在十月甲子則十

一月惟丁卯庚午癸酉
及今科試期在八月耳

早歲虛名誇宰世舊時同學半

成仙栖遲矮屋涼於水遠大前程渺似煙江樹燕雲千

里隔思家一樣悄無眠

敦閒母舅以元旦試筆命和謹次原韻

丙子

霖雨蒼生屬望人偏同謝傳寄閒身當年手掃欂櫨靜
先占春風替布新
愛才如命眼垂青桃李門牆蘭芷庭白傅大裘杜陵厦
巨觥介壽數修齡

翩翩曾振九霄翰強仕年華早挂冠吟到五朝詩首句
觚棱金闕夢長安

新年明日詠詩餘廿五年前餞歲除一枕春醒剛解候
鑪香柏子校楹書

林下逍遙值太平徧栽花木替題名從頭春色參生理

依舊關心課雨晴

消息韶華暗裏知
寒梅芳信逗亭池
番風重數逢周甲
願祝恆春更獻詩

白荷四絕句錄奉七襄公所吳稚萍先生一笑

露華澄澈曉煙橫
自在香參客夢清
絕似文場好風景
瓊枝四照畫廊明

銀河舊種阿誰移
謝絕塵紅胷淥池
錯訝天孫今夕降
淩波彷彿細腰肢

省識秋從花上來
亭亭玉立想風裁
依稀夢裏當年事
無數梨雲似雪開

鉛華洗盡水溶溶
霧閣雲窗隔一重
消受清涼滋味永
箇中只許住吳儂

竺塢掃墓遇雨祠旁有桂一株花開頗盛因成一絕

廣寒仙種耐寒開
帶雨花濃瘦石偎
多謝鄉人傳吉語

明年進步月宮回

有輿夫謂余云此吉兆也
明年當進一步故云

寒夜懷親蓀

庭中寥寂問字車
清勝寒山高士家
圍鑪斗室結古歡
破裘擁腫披麋麇
鄰寺鐘聲驚夢迴
彷彿官閣聲排衙
想君此時值公退
狂呵凍墨題字斜
叔重季重招同寮
興酣怒生筆口花
雅會合繼聚星堂
飛揚白戰誰李鴉

願乘長風坐末壁□□□觀銅鉢搥瓊樓玉宇鈞天樂
同聽笙簧奏女媧

元宵懷伯兄都中

丁丑

紫薇省例住詩人鈴閣森嚴自在身想約吟朋三五輩
一尊共賞歲華新

□□藜火夜深青

屢得分校差
國史方略館

退食鑪香散一庭應念

家園逢令節蘭蓀齊祝大椿齡

□□定奮御風翰錫宴簪花好整冠我盼泥金兼驛至

漫同竹使報平安

□□船脣七稔餘少年結習已全除告君別後經營利

壓架新添百卷詩

□□疏狂禰正平年來習靜漸忘名看燈早謝朋儔約

閒玩冰輪快雪晴

春信天邊定早知五雲聯護鳳凰池鑪煙宮漏供吟料

背踏金鰲手寫詩

春夜坐牡丹花下

一抹輕雲吐月華濃香和影吐窗紗書生眼福誇如許

清夜還看富貴花

中秋環秀山莊遲月憶親篋

金飈掃雲灝無滓如水天街平於砥今夕何夕不相遇

露臺雜坐石闌倚水香送涼瀉蘅杜秋氣逼樹鬱蒼紫
嫦娥厭喧遲不來縱談佇覓娟娟豸驀地放出大光明
世界顯晦一彈指迴憶客歲度佳節矮屋聽雨擁布被
鄉思隱隱隔雲端寒蟲徐催冰輪起憑闌翹望依北斗
我所思兮家伯子如許良宵值鳳池添香薰衣勞侍史
或當公退開燕寢燭花煙篆燦瑤記此時此景念家山
明月不隔人千里

雨登寒山

霜林幾簇黯疏煙選勝休辭石徑穿藤蔓低遮僧寺額
籃輿溼壓野人肩風聲遠捲澗泉落雨氣曉籠山頂圓

一杵清鐘開霽色似催詩就韻悠然

讀杜于皇劉海峯兩先生詩文集題後

戊寅

韓潮蘇海與評量開卷驚人作作芒不屑規模傍門戶

無端涕淚總文章秋闈對策權奸忌

杜以試策觸時相被擯

廷薦

通經老大傷

劉晚年以明經薦

莫爲劉侯呼可惜副車誤中事

尋常

贈歙人張佩蓀

工畫曾以所作詩文屬爲點竄在太倉質庫司會計

市隱風流今見之吟詩兼喜古文辭八家規格三唐律

變化都憑筆一枝

性靈別派共傳袁頓使詩家世界翻漫待漁洋返正始

辦香且復奉梅村

或精證實或翻空或尙森嚴或健雄如面文原無定法
須知要訣氣常充

擬寫君家喜慶圖將詩聊代畫描摹大椿比壽萱蠲忿
補寫幽蘭夢裏株

披吟不厭數番頻卅六峰頭恍置身君念家山吾念舊
當年立雪執經人

祭酒詩篇比部文治平刺史德親薰婁江好認師門地
今日談經更得君

春日到竺塢埽墓社兒隨去歸途作此示之

蘭橈旋換筍將來風景沿途與溯洞靜聽流泉在山水

翹瞻故相讀書臺

墓左山椒有石屋爲明文肅公讀書處

經春墓木濃陰

鬱薦熟盤飧肅奉陪回首廿年三月日板輿扶侍此徘徊

初

咸豐戊午春侍太夫人展墓

初夏閑居卽事

門前樹樹綠陰齊樹上流鶯不住嘯同巷古風聯比戶

昨宵新雨漲清溪狸奴階下偷閒卧燕子梁間認舊栖

恰稱吟身箇中住東偏銀杏碧桃西

室西有碧桃一株門東春申君祠前

有銀杏樹

岳兒學畫頗有一二肖者作此示之

繪事原家學

先祖畫冊十二幀藏於家
畫不多作親友中流傳者絕少

府君

深慚某

未能爾偏工刻畫格守在嚴矜
領略無聲旨空靈最上
乘清芬勤念祖拈管寫吳綾

近購盧忠肅公集讀一過因題

展誦公書想見之當年朝局竟如斯
樞謀自誤陰相扼
主眷深叨晚忽移五疏籲終三歲服
一生總值萬難時
每思草奏花驄背表語真誠抵出師

歲暮憶許鏡涵

僑寄湖鄉憶乍逢離歌旋唱散萍蹤
鱗書久曠貽三六
雉堞多應隔一重近況傳君耽市隱
頻年老我困書傭

每懷占盡清閒福門外胥江海湧峯

歲暮偶成

休將遲暮悵窮途窮到如斯債也無書帙尙留消夏借
紙窗早爲怯寒糊匆忙歲事聊隨俗寂寞門庭恰稱吾
已敝青氈向分煥泥人偏有小狸奴

兀坐蕭齋感歲華喜無俗累向人誇亂堆書認新題字
細築泥培舊種花女習紡專工織鳳兒摹畫本任塗鴉
圍鑪領略清閒趣待埽空庭雪煮茶

正月二日過滄浪亭高閣迷雲積雪在樹途中賦此

己卯

遙指昔賢酬唱地幾番陟落幾經營雪封僻徑疑無路